

Na osnovu člana 17. tačka a) Zakona o provođenju kontrole zakonitosti korištenja prava iz oblasti branilačko-invalidske zaštite („Službene novine Federacije BiH“, broj: 82/09, u daljem tekstu: Zakon), a uz saglasnost Vlade Federacije Bosne i Hercegovine, federalni ministar za pitanja boraca i invalida odbrambeno-oslobodilačkog rata/federalni ministar za pitanja branitelja i invalida domovinskog rata, d o n o s i

P R A V I L N I K

O FORMIRANJU I RADU REVIZORSKIH TIMOVA ZA KONTROLU I

REVIZORSKOG TIMA ZA KOORDINACIJU

Član 1.

Ovim Pravilnikom se uređuje postupak formiranja, uslovi, sastav i rad revizorskih timova za kontrolu i Revizorskog tima za koordinaciju.

Član 2.

U revizorske timove za kontrolu i Revizorski tim za koordinaciju mogu biti imenovani uposlenici organa državne službe svih nivoa vlasti i druga lica, koja ispunjavaju uslove predviđene ovim Pravilnikom.

Član 3.

U revizorske timove za kontrolu i Revizorski tim za koordinaciju ne mogu biti imenovana lica koja su donosila rješenja u postupcima priznavanja statusa iz oblasti vojne obaveze

Član 4.

Angažovanje državnih službenika u revizorskim timovima za kontrolu bit će regulisano posebnim sporazumom.

Član 5.

- (1) Članovi Revizorskih timova za kontrolu diplomirani pravnici trebaju imati:
 - Pravni fakultet, VSS – VII stepen, odnosno lica koja su stekla diplomu visokog obrazovanja pravne struke po bolonjskom sistemu studiranja sa iskustvom od minimalno dvije godine rada u struci.
- (2) Ostali članovi revizorskog tima trebaju imati:
 - Vojnu akademiju, Fakultet sigurnosti ili drugi fakultet društvenih, prirodnih, tehničkih nauka, VSS- VII stepen ili VŠS – VI stepen.

Član 6.

Uposlenici Grupa za pitanja evidencija iz oblasti vojne obaveze i Samostalni izvršioци za pitanja evidencija iz oblasti vojne obaveze (u daljem tekstu:grupe i samostalni izvršioци) Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata (u daljem tekstu:Federalno ministarstvo) u općinama dužni su obezbijediti prostorije i administrativno-logističku podršku, te ostale uslove za rad revizorskih timova za kontrolu i Revizorskog tima za koordinaciju (prostorije, kucanje, fax, telefon, papir i dr.)

Član 7.

Revizorski tim za kontrolu odnosno Revizorski tim za koordinaciju vrši provjeru svih uvjerenja i dokumentacije na osnovu kojih su priznata prava po propisima iz člana 1. Zakona.

Član 8.

(1) Poslovi iz člana 7. ovog Pravilnika obavljaju se provjerom i sravnjavanjem podataka iz vojnih evidencija koje su izdavale vojne jedinice, a kojima raspolaže Federalno ministarstvo, sa podacima koji se nalaze u arhivima Armije R BiH, arhivima HVO-a , arhivima Ministarstva unutrašnjih poslova i uvjerenjima o neisplaćenim vojničkim plaćama.

(2) Provjera dokumentacije koja je služila u postupku priznavanja prava na povoljnije penzionisanje vrši se sravnjavanjem podataka iz dokumentacije bivšeg Federalnog ministarstva odbrane (pasivni dosjei), podataka u grupama i kod samostalnih izvršilaca i nadležnih arhiva.

Član 9.

(1) Za obavljanje poslova revizije obrazuje se sedam revizorskih timova za kontrolu.

(2) Jedan revizorski tim za kontrolu ima 4 člana, na paritetnoj osnovi po komponentama (ARBiH i HVO), od čega su obavezno najmanje dva člana diplomirani pravnici, po komponentama.

Član 10.

(1) Revizorski tim za kontrolu imenuje rješenjem federalni ministar za pitanja boraca i invalida odbrambeno-oslobodilačkog rata/federalni ministar za pitanja branitelja i invalida domovinskog rata (u daljem tekstu:federalni ministar), na zajednički prijedlog kantonalnih ministara za pitanja boraca odnosno direktora uprava za pitanja boraca i koordinacije udruženja branilaca.

(2) U rad revizorskih timova mogu biti uključeni i predstavnici korisnika prava iz oblasti branilačke zaštite.

(3) Revizorski tim za kontrolu razrješava se dužnosti u postupku i na način na koji je imenovan.

Član 11.

Revizorski tim za koordinaciju predlaže okvirni tromjesečni plan rada revizorskih timova za kontrolu, na osnovu koga federalni ministar donosi sedmične planove rada revizorskih timova za kontrolu.

Član 12.

(1) Kontrolu evidencije, dokumentacije i uvjerenja revizorski tim za kontrolu će vršiti ličnim uvidom, neposredno.

(2) Revizorski tim za kontrolu će poslove iz svoje nadležnosti raditi, u pravilu, u punom sastavu.

(3) Odluku o svakom pregledanom predmetu moraju donijeti svi članovi zajedno, što potvrđuju svojim potpisima na zapisniku.

(4) Izuzetno, revizorski tim za kontrolu može raditi i punovažno odlučivati bez prisustva jednog člana do popune revizorskog tima za kontrolu, a najduže 60 dana.

(5) Posebnom odlukom federalni ministar utvrđuje period rada revizorskog tima za kontrolu bez jednog člana.

Član 13.

(1) Revizorski timovi za kontrolu formiraju spis o kontroli u svakom pojedinačnom slučaju, po imenu i prezimenu korisnika prava.

(2) U spisu se nalaze zapisnici o svim kontrolama, provjerama i sravnjavanjima i datim konačnim ocjenama, te sva dokumentacija (originali, kopije ili prepisi) koju revizorski timovi pribave u postupku revizije.

(3) Nakon obavljenih svih kontrola i donesene konačne odluke revizorski timovi za kontrolu i Revizorski tim za koordinaciju su dužni predati spise predmeta Federalnom ministarstvu radi daljnjeg postupanja.

(4) Revizorski tim za koordinaciju kada rješava u meritumu formira spis predmeta, po imenu i prezimenu korisnika i donosi odluku (FMB-1 ili FMB-2).

Član 14.

(1) Revizorski timovi će o svakom pregledanom predmetu sačiniti zapisnik, koji obavezno sadrži nalog organu uprave kod kojeg se vrši kontrola (član 6. st. (4), (5), (7) i (8) Zakona.

(2) Zapisnik iz stava (1) ovog člana obavezno potpisuju članovi revizorskog tima za kontrolu odnosno Revizorskog tima za koordinaciju i predstavnik pravnog subjekta kod koga je izvršena kontrola ili sravnjavanje podataka, a isti ima snagu javne isprave.

(3) Jedan primjerak zapisnika obavezno se predaje predstavniku pravnog subjekta kod kojeg je izvršena kontrola.

(4) U slučaju da predstavnik pravnog subjekta kod koga je izvršena kontrola odbije potpisati zapisnik, ta činjenica će biti konstatovana zapisnikom.

Član 15.

U slučaju iz člana 2. stav (3) Zakona, kada revizorski tim za kontrolu, vršeći provjeru i sravnjavanje podataka iz vojnih evidencija, utvrdi da u konkretnom slučaju nema original uvjerenja o neisplaćenim vojničkim plaćama, dužan je provesti dodatna provjeravanja načina priznanja prava i to u roku od 30 dana od dana vršenja prve kontrole konkretnog predmeta.

Član 16.

Revizorski tim za kontrolu će izvještaj o radu dostavljati mjesečno Revizorskom timu za koordinaciju i federalnom ministru.

Član 17.

(1) U cilju provođenja revizije Federalni zavod za penzijsko/mirovinsko i invalidsko osiguranje (u daljem tekstu: Federalni zavod PIO/MIO) osigurat će revizorskom timu za kontrolu odnosno Revizorskom timu za koordinaciju uvid u sve evidencije i dokumentaciju ili izvještaj iz evidencija i dokumentacije bivšeg Federalnog ministarstva odbrane, koja je služila kao osnov ostvarivanja prava po propisima iz člana 1. Zakona.

(2) Saradnja Ministarstva odbrane Bosne i Hercegovine sa Federalnim ministarstvom u poslovima revizije obavljat će se u skladu sa članom 12. Zakona.

(3) U slučaju da revizorski timovi utvrde povrede propisa u postupku priznavanja prava na povoljnije penzionisanje, dužni su sačiniti detaljan zapisnik i isti dostaviti Federalnom zavodu PIO/MIO.

Član 18.

(1) Revizorski tim za koordinaciju imenuje Predsjednik Federacije Bosne i Hercegovine uz konsultaciju sa potpredsjednicima Federacije Bosne i Hercegovine, a na usaglašen prijedlog federalnog ministra, kantonalnih ministara odnosno direktora uprava za pitanja boraca poštujući nacionalni paritet, po komponentama.

(2) Revizorski tim za koordinaciju se razrješava dužnosti u postupku i na način na koji je imenovan.

Član 19.

Revizorski tim za koordinaciju ima osam članova, na paritetnoj osnovi po komponentama (AR BiH i HVO).

Član 20.

(1) Revizorski tim za koordinaciju će donijeti Poslovnik o radu.

(2) Revizorski tim za koordinaciju donosi svoj mjesečni plan rada.

Član 21.

(1) Revizorski tim za koordinaciju će vršiti koordinaciju, nadzor i praćenje rada Revizorskih timova za kontrolu.

(2) Revizorski tim za koordinaciju je, za poslove iz svoje nadležnosti, odgovoran Predsjedniku Federacije Bosne i Hercegovine i federalnom ministru.

Član 22.

(1) Pod nadzorom i praćenjem rada revizorskih timova za kontrolu podrazmijeva se pravo Revizorskog tima za koordinaciju na neposredan uvid u zakonitost rada u predmetima u kojima je donesena konačna odluka.

(2) Praćenje rada revizorskih timova za kontrolu podrazumjeva provjeru provođenja odobrenog plana rada revizorskih timova za kontrolu.

(3) U okviru nadzora, Revizorski tim za koordinaciju će vršiti kontrolu rada revizorskih timova za kontrolu po mjesečnom planu rada, po zahtjevu federalnog ministra i po sistemu slučajnog uzorka, o čemu će sačiniti zapisnik.

(4) U cilju obavljanja poslova iz stava (3) ovog člana revizorski timovi za kontrolu će obezbijediti uvid u svoj formirani spis, a kod završenih i arhiviranih predmeta kontrole, spis predmeta će Revizorskom timu za koordinaciju obezbijediti Federalno ministarstvo-Sektor za normativno-pravne i opće poslove.

(5) U svim slučajevima kada revizorski tim za kontrolu ne utvrdi zajednički stav i ne donese jedinstvenu odluku, konačnu odluku donosi Revizorski tim za koordinaciju.

(6) U slučajevima iz stava (5) ovog člana revizorski tim za kontrolu je dužan izvještaj sa izdvojenim mišljenjima predati Revizorskom timu za koordinaciju.

(7) Revizorski tim za koordinaciju o razmatranju odnosno ekspertizi i donošenju odluke iz stava (6) ovog člana sačinit će zapisnik.

Član 23.

Revizorski tim za koordinaciju je dužan mjesečno dostaviti izvještaj o svom radu federalnom ministru i Predsjedniku Federacije Bosne i Hercegovine.

Član 24.

Federalno ministarstvo će tromjesečno dostavljati Vladi Federacije BiH informaciju o postignutim rezultatima revizije.

Član 25.

Revizorski timovi za kontrolu i Revizorski tim za koordinaciju mogu, preko Sektora za normativno-pravne i opće poslove Federalnog ministarstva, od nadležnih institucija tražiti stručna mišljenja i ocjene u postupku provjere i sravnjavanja podataka, evidencija, dokumentacija i uvjerenja potrebnih za ostvarivanje prava iz oblasti branilačko-invalidske zaštite i povoljnijeg penzionisanja.

Član 26.

Stupanjem na snagu ovog Pravilnika prestaje da važi Pravilnik o formiranju i radu revizorskih timova za kontrolu i Revizorskog tima za koordinaciju ("Službene novine Federacije BiH", broj: 14/10).

Član 27.

Ovaj Pravilnik stupa na snagu narednog dana od dana objavljivanja u „Službenim novinama Federacije BiH”.

MINISTAR

Doc. dr.Salko Bukvarević

Broj: 01-41-4906/15
Sarajevo, _____2015. godine

Na ovaj Pravilnik Vlada Federacije Bosne i Hercegovine dala je saglasnost aktom V.broj: _____
od _____ godine.

O b r a z l o ž e n j e
Pravilnika o formiranju i radu revizorskih timova za kontrolu i
Revizorskog tima za koordinaciju

I ZAKONSKI OSNOV

Zakonski osnov za donošenje Pravilnika o formiranju revizorskih timova za kontrolu i Revizorskog tima za koordinaciju sadržan je u članu 17. tačka a) Zakona o provođenju kontrole zakonitosti korištenja prava iz oblasti branilačko-invalidske zaštite ("Službene novine Federacije BiH", broj: 82/09).

II RAZLOZI ZA DONOŠENJE PRAVILNIKA

Razlog za donošenje ovog Pravilnika je prevashodno objedinjavanje izmjena i dopuna Pravilnika o formiranju revizorskih timova za kontrolu i Revizorskog tima za koordinaciju i poboljšanje teksta novim pravnim rješenjem.

III POJAŠNJENJA POJEDINIH ČLANOVA PRAVILNIKA

Članom 1. propisano je da se ovim Pravilnikom uređuje postupak formiranja, uslovi, sastav i rad revizorskih timova za kontrolu i Revizorskog tima za koordinaciju.

Članom 2. propisano je da u revizorske timove za kontrolu i Revizorski tim za koordinaciju mogu biti imenovani uposlenici organa državne službe svih nivoa vlasti i druga lica koja ispunjavaju uslove predviđene ovim Pravilnikom.

Članom 3. propisano je da u revizorski tim za kontrolu i Revizorski tim za koordinaciju ne mogu biti imenovana lica koja su donosila rješenja u postupcima priznavanja statusa iz oblasti vojne obaveze.

Članom 4. propisano je da će angažovanje državnih službenika u revizorskim timovima za kontrolu biti regulisano posebnim sporazumom.

Članom 5. propisano je da članovi revizorskih timova za kontrolu, diplomirani pravnici trebaju imati: Pravni fakultet, VSS-VII stepen, odnosno lica koja su stekla diploma visokog obrazovanja pravne struke po bolonjskom sistemu studiranja sa iskustvom od minimalno dvije godine rada u struci, kao i da ostali članovi Revizorskog tima trebaju imati: Vojnu akademiju, Fakultet sigurnosti ili drugi fakultet društvenih, prirodnih, tehničkih nauka, VSS-VII stepen ili VŠS-VI stepen.

Članom 6. propisano je da su uposlenici Grupa/Samostalni izvršioc i za pitanja evidencija iz oblasti vojne obaveze Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata u općinama dužni obezbijediti prostorije i administrativnu-logističku podršku, te ostale uslove za rad revizorskih timova za kontrolu i Revizorskog tima za koordinaciju.

Članom 7. propisano je da revizorski tim za kontrolu/Revizorski tim za koordinaciju vrši provjeru svih uvjerenja i dokumentacije na osnovu kojih su priznata prava po propisima iz člana 1. Zakona o provođenju kontrole zakonitosti korištenja prava iz oblasti branilačko-invalidske zaštite.

Članom 8. propisano je da se poslovi iz člana 7. ovog Pravilnika obavljaju provjerom i sravnjavanjem podataka iz vojnih evidencija koje su izdavale vojne jedinice, a kojima raspolaže Federalno ministarstvo, sa podacima koji se nalaze u arhivima Armije R BiH, arhivima HVO-a, arhivima Ministarstva unutrašnjih poslova i uvjerenjima o neisplaćenim vojničkim plaćama, te da se provjera dokumentacije koja je služila u postupku priznavanja prava na povoljnije penzionisanje vrši sravnjavanjem podataka iz dokumentacije bivšeg Federalnog ministarstva odbrane (pasivni dosije i), podataka u Grupama i kod Samostalnih izvršilaca i nadležnih arhiva.

Članom 9. propisano je da se za obavljanje poslova revizije obrazuje sedam revizorskih timova za kontrolu, te da jedan revizorski tim za kontrolu ima 4 člana, na paritetnoj osnovi po komponentama (AR BiH i HVO), od čega su obavezno najmanje dva člana diplomirani pravnici, po komponentama.

Članom 10. propisano je revizorski tim za kontrolu imenuje rješenjem federalni ministar za pitanja boraca i invalida odbrambeno-oslobodilačkog rata/federalni ministar za pitanja branitelja i invalida domovinskog rata (u daljem tekstu:federalni ministar), na zajednički prijedlog kantonalnih ministara za pitanja boraca odnosno direktora uprava za pitanja boraca i koordinacije udruženja branilaca, kao i da u rad revizorskih timova mogu biti uključeni i predstavnici korisnika prava iz oblasti branilačke

zaštite. Stavom (3) ovog člana propisano je da se revizorski tim za kontrolu razrješava se dužnosti u postupku i na način na koji je imenovan.

Članom 11. propisano je da Revizorski tim za koordinaciju predlaže okvirni tromjesečni plan rada revizorskih timova za kontrolu, na osnovu koga federalni ministar donosi sedmične planove rada revizorskih timova za kontrolu.

Članom 12. propisano je da će kontrolu evidencije, dokumentacije i uvjerenja revizorski tim za kontrolu vršiti ličnim uvidom, neposredno, te da će poslove iz svoje nadležnosti raditi, u pravilu, u punom sastavu i da odluku o svakom pregledanom predmetu moraju donijeti svi članovi zajedno, što potvrđuju svojim potpisima na zapisniku. Stavom (3) ovog člana propisano je da izuzetno, revizorski tim za kontrolu može raditi i punovažno odlučivati bez prisustva jednog člana do popune revizorskog tima za kontrolu, a najduže 60 dana, čiji period rada bez jednog člana utvrđuje federalni ministar posebnom odlukom.

Članom 13. propisano je da revizorski timovi za kontrolu formiraju spis o kontroli u svakom pojedinačnom slučaju, po imenu i prezimenu korisnika prava, te da se u spisu nalaze zapisnici o svim kontrolama, provjerama i sravnjavanjima i datim konačnim ocjenama i sva dokumentacija (originali, kopije ili prepisi) koju revizorski timovi pribave u postupku revizije. Stavom (3) ovog člana propisano je da su revizorski timovi za kontrolu i Revizorski tim za koordinaciju nakon obavljenih svih kontrola i donesene konačne odluke, dužni predati spise predmeta Federalnom ministarstvu radi daljnjeg postupanja. Dok je stavom (4) ovog člana propisano da Revizorski tim za koordinaciju kada rješava u meritumu formira spis predmeta, po imenu i prezimenu korisnika i donosi odluku (FMB-1 ili FMB-2).

Članom 14. propisano je da će revizorski timovi o svakom pregledanom predmetu sačiniti zapisnik, koji obavezno sadrži nalog organu uprave kod kojeg se vrši kontrola (član 6. st. (4), (5), (7) i (8) Zakona o provođenju kontrole zakonitosti korištenja prava iz oblasti branilačko-invalidske zaštite, te da zapisnik obavezno potpisuju članovi revizorskog tima za kontrolu odnosno Revizorskog tima za koordinaciju i predstavnik pravnog subjekta kod koga je izvršena kontrola ili sravnjavanje podataka, a isti ima snagu javne isprave i da se jedan primjerak zapisnika obavezno predaje predstavniku pravnog subjekta kod kojeg je izvršena kontrola, a u slučaju da predstavnik pravnog subjekta kod koga je izvršena kontrola odbije potpisati zapisnik, ta činjenica će biti konstatovana zapisnikom.

Članom 15. propisano je da u slučaju iz člana 2. stav (3) Zakona o provođenju kontrole zakonitosti korištenja prava iz oblasti branilačko-inavldiske zaštite, kada revizorski tim za kontrolu, vršeći provjeru i sravnjavanje podataka iz vojnih evidencija, utvrdi da u konkretnom slučaju nema original uvjerenja o neisplaćenim vojničkim plaćama, dužan je provesti dodatna provjeravanja načina priznanja prava i to u roku od 30 dana od dana vršenja prve kontrole konkretnog predmeta.

Članom 16. propisano je da će revizorski tim za kontrolu izvještaj o radu dostavljati mjesečno Revizorskom timu za koordinaciju i federalnom ministru.

Članom 17. propisano je da će Federalni zavod za penzijsko/irovinsko i invalidsko osiguranje, u cilju provođenja revizije, osigurati revizorskom timu za kontrolu odnosno Revizorskom timu za koordinaciju uvid u sve evidencije i dokumentaciju ili izvještaj iz evidencija i dokumentacije bivšeg Federalnog ministarstva odbrane, koja je služila kao osnov ostvarivanja prava po propisima iz člana 1. Zakona o provođenju kontrole zakonitosti korištenja prava iz oblasti branilačko-invalidske zaštite, te da će se saradnja Ministarstva odbrane Bosne i Hercegovine sa Federalnim ministarstvom u poslovima revizije obavljati u skladu sa članom 12. navedenog Zakona i u slučaju da revizorski timovi utvrde povrede propisa u postupku priznavanja prava na povoljnije penzionisanje, dužni su sačiniti detaljan zapisnik i isti dostaviti Federalnom zavodu PIO/MIO.

Članom 18. propisano je da Revizorski tim za koordinaciju imenuje Predsjednik Federacije Bosne i Hercegovine uz konsultaciju sa dopredsjednicima Federacije Bosne i Hercegovine, a na usaglašen prijedlog federalnog ministra, kantonalnih ministara odnosno direktora uprava za pitanja boraca poštujući nacionalni paritet, po komponentama, kao i da se Revizorski tim za koordinaciju razrješava dužnosti u postupku i na način na koji je imenovan.

Članom 19. propisano je da Revizorski tim za koordinaciju ima osam članova, na paritetnoj osnovi po komponentama (AR BiH i HVO).

Članom 20. propisano je da će Revizorski tim za koordinaciju donijeti Poslovnik o radu, kao i da donosi svoj mjesečni plan rada.

Članom 21. propisano je da će Revizorski tim za koordinaciju vršiti koordinaciju, nadzor i praćenje rada Revizorskih timova za kontrolu, te da je isti, za poslove iz svoje nadležnosti, odgovoran Predsjedniku Federacije Bosne i Hercegovine i federalnom ministru.

Članom 22. propisano je da se pod nadzorom i praćenjem rada revizorskih timova za kontrolu podrazumijeva pravo Revizorskog tima za koordinaciju na neposredan uvid u zakonitost rada u predmetima u kojima je donesena konačna odluka, te da praćenje rada revizorskih timova za kontrolu podrazumijeva provjeru provođenja odobrenog plana rada revizorskih timova za kontrolu, kao i da će o okviru nadzora, Revizorski tim za koordinaciju vršiti kontrolu rada revizorskih timova za kontrolu po mjesečnom planu rada, po zahtjevu federalnog ministra i po sistemu slučajnog uzorka, o čemu će sačiniti zapisnik. Stavom (4) ovog člana propisano je da će revizorski timovi za kontrolu obezbijediti uvid u svoj formirani spis, a kod završenih i arhiviranih predmeta kontrole, spis predmeta će Revizorskom timu za koordinaciju obezbijediti Federalno ministarstvo-Sektor za normativno-pravne i opće poslove, a u svim slučajevima kada Revizorski tim za kontrolu ne utvrdi zajednički stav i ne donese jedinstvenu odluku, konačnu odluku donosi Revizorski tim za koordinaciju, a revizorski tim za kontrolu je dužan izvještaj sa izdvojenim mišljenjima predati Revizorskom timu za koordinaciju, koji će sačiniti zapisnik o razmatranju odnosno ekspertizi i donošenju odluke u vezi sa navedenim.

Članom 23. propisano je da je Revizorski tim za koordinaciju dužan mjesečno dostaviti izvještaj o svom radu federalnom ministru i Predsjedniku Federacije Bosne i Hercegovine.

Članom 24. propisano je da će Federalno ministarstvo za pitanja boraca i invalida odbrambeno-oslobodilačkog rata tromjesečno dostavljati Vladi Federacije BiH informaciju o postignutim rezultatima revizije.

Članom 25. propisano je da revizorski timovi za kontrolu i Revizorski tim za koordinaciju mogu, preko Sektora za normativno-pravne i opće poslove Federalnog ministarstva, od nadležnih institucija tražiti stručna mišljenja i ocjene u postupku provjere i sravnjavanja podataka, evidencija, dokumentacija i uvjerenja potrebnih za ostvarivanje prava iz oblasti branilačko-invalidske zaštite i povoljnijeg penzionisanja.

Članom 26. propisano je da stupanjem na snagu ovog Pravilnika prestaje da važi Pravilnik o formiranju i radu revizorskih timova za kontrolu i Revizorskog tima za koordinaciju ("Službene novine Federacije BiH", broj: 14/10).

Članom 27. propisano je da ovaj Pravilnik stupa na snagu narednog dana od dana objavljivanja u „Službenim novinama Federacije BiH“.

IV.POTREBNA FINANSIJSKA SREDSTVA

Za provođenje ovog Pravilnika odobrena su finansijska sredstva u Budžetu Federacije BiH, na poziciji Federalnog ministarstva broj: 613 900 – Ugovorene usluge – troškovi provođenja revizije iz oblasti boračko-invalidske zaštite u Federaciji BiH („Službene novine Federacije BiH“, broj: 3/12).